



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Martini Bonacinæ Vtrivsque Signatvræ Referendarii  
Compendium Omnium Operum de Theologia Morali,  
omnibusque conscientiæ nodis**

**Bonacina, Martino**

**Coloniæ Agrippinæ**

Censura.

**urn:nbn:de:hbz:466:1-41152**

est, & ab illis absolutus, sed animo incapaci absolutio-  
nis.

Navar.c.26. n.13. Covar.c.alma, i p. §. II n.12. Anton. 3.p.  
tit.14. cap.19. §.17. Sylv.conf.i. qu. 9. Cajet. vers. casuum reservu.  
Suarez disp.31. de pœnit. sect. 14. Navar.c. cùm consideret. §.cau-  
tus, depœnit. d 5.n.30. &c.26.nu.13. Idem ferè Sylv.confess.I.  
§.7. Zerola in prax. pœnit. c.13. q.18. ex Ang. Palud. Covar. in  
c.alma mater. p. 1. §. II n.12.

Idemque dicendum de illo Sylv. confess. i. num. 21. Ang. de  
confess. p.23. Cajetan. vers. casus. Fu. eod. num. 4. D. Anton. p. 3.  
tit.14. num 17.

Casus reservati in religione, non habent locum in Novi-  
tii, antequam per vota admittantur, ut neque præceptorum  
obligatio.

## Censura.

## Censura in communi.

## Vidē v. Excommunicatio.

1. Censura est poena spiritualis, inficta ab Ecclesiastica  
potestate, privans hominem baptizatum usu aliquorum spi-  
ritualium per ordinem ad salutem. Hinc patet peccatum  
mortale non esse censuram, quia non est poena Ecclesiastica,  
sed malum culpæ. tom. I. de Censuris in communi, disp. 1. qu. I.  
punct. 1. num. 1. &c seq..

2. Censura triplex est; excommunicatio, suspensio, &  
interdictum: differunt ab irregularitate, cessatione à divinis,  
& degradatione, seu depositione, quæ non sunt censuræ.  
Censura excommunicationis, suspensionis & interdicti alia  
est à jure, ut quando fertur a legislatore cum intentione con-  
dendi legem, seu statutum generale perpetuum, injuncta  
transgressoribus poena censuræ. Alia est ab homine, quæ  
fertur à Superiori: aliquid præcipiente, non intentione fe-  
rendi præceptum, sed transitorium. Alia est lata sententia,  
quæ ipso facto incurritur absque alia judicis sententia; alia  
est ferenda, quæ solummodo est comminatoria, & non in-  
curritur ante sententiam judicis. Cognoscitur censura esse  
latæ sententiae, quando in lege ponuntur istæ particulæ, ipso  
facto, ipso iuro, aut lata sententia; aut quando cum censura  
ponuntur hæc adverbia, confessim, statim, illico, continuò, ex-  
tunc, omnino, prorsus, inconvenienti, mox, protinus; aut quando

ponitur censura per verbum præsentis, vel præteriti; vel imperativi temporis. Cognoscitur autem censuram esse tantum ferendæ sententiae, quando dicitur: *incurrat censuram comminatorem*, vel, *præcipimus sub interminacione anathematis, sub pena excommunicationis, suspensionis, &c.* quando censura fertur per verbum futuri temporis, *qui hoc fecerit, excommunicatur, &c.* & quando dubium aliquid suboritur, an censura sit latæ vel ferendæ sententiae; tunc enim judicandum est censuram esse ferendæ sententiae, cum odia sint restringenda. *Ibid. n. 4. & seq.*

#### *Causa efficiens censure.*

3. Potestas ferendi censuras est de jure divino, ut per collata à Deo. *Matth. 18. Ibid. punct. 2 n. 1.*

4. Ferens censuras debet esse homo viator, baptizatus, habens usum rationis, & non laicus. Prætereà ferens censuram non debet habere jurisdictionis usum impeditum, ne debet ferre in causa propria, in qua ipse actoris & judicis personam sustineat, excipitur tamen casus defensionis, dum quis per modum defensionis censuram fert in eum, quibus violentiam infert. *Ibid. n. 3. & 4.*

5. Potestas ferendi censuras jure ordinario, residet in summi Pont. respectu omnium Christianorum, cujuscumque gradus & conditionis existant. Prætereà in Episcopis, in Archiepiscopis, & Patriarchis respectu sibi subditorum. *Ibid. n. 5.*

6. Clericus tamen potest ex commissione sibi facta a legitimo Superiori, vel ex consuetudine legitimè introduci ferre censuras, quia clericus est capax Ecclesiastice jurisdictionis. Similiter collegium Ecclesiasticum est capax jurisdictionis ad ferendas censuras, secùs die si sit laicum & ecclesiasticum. *Ibid. n. 6. & 7.*

#### *Causa materialis censure.*

7. Duplex est, proxima & remota: proxima est peccatum, propter quod incurritur censura; remota est persona ipsa, quæ ligatur censurâ. Ad incurriendam censuram prærequititur aliquid peccatum, & quidem proprium ad excommunicationem incurriendam, licet censura suspensionis possit fieri ob peccatum alterius, v. g. in communiatem ob

delic.

& se.

8.

quiri-

pure-

non

Eccle-

mon-

solu-

non

9.

vel

sura-

ord-

Ibia-

tab-

farr-

tu-

ma-

rat-

sec-

pr-

tu-

qu-

re-

sc-

de-

b-

a-

su-

e-

t-

v-

delicium alicujus ex illa communitate. Ibid. punct. 3. num. I.

& seq.

8. Ad incurriendam gravem censuram seu majorem requiritur peccatum mortale, exterius, & non sufficit peccatum pure internum, quod ita in mente lateat, ut aliter cognosci non possit, nisi per revelationem, de quo directè non judicatur Ecclesia, cum sit merè internum. Neque pro quolibet peccato mortali, quamvis externo, ferenda est gravis censura, sed solum quando peccatum alia ratione corrigi, vel impediri non potest. Ibid. n. 4. & 8.

9. Censura non incurritur à proferente verbum jocosum, vel gestante comam, etiam si Superior id prohibuerit sub censura, nisi materia prohibita quæ de se levis est, fiat gravis per ordinem ad finem à Superiore intentum in ferenda censura. Ibid. n. 9. & 10.

10. Fur qui acum sartori abstulit, qui ob id damnum notabile passus est, non afficitur censura lata contra eos, qui res sartori surripuerunt. Ibid. n. 11.

11. Ad incurriendam censuram requiritur effectus completus, quem legislator intendit sub censura prohibere: nam materia odiosa strictè explicanda est. Quare ille non incurrit censuram Canonis, qui projicit sagittam contra clericum, sed illum non attingit, quia non adest effectus, vel actio quæ principaliter prohibetur sub censura. Præterea non incurrit censura, quando actus exterior non habet eam malitiam, quæ sub censura prohibetur. Item mandantes, vel consulentes non incurrint censuram nondum secuto effectu, quando scilicet effectus fuit principaliter prohibitus; secùs dicendum quando mandatum, vel consilium principaliter prohibetur. Non incurritur quoque censura ab eo qui actionem aliquam exercet de se sufficientem ad eff. etum prohibitum sub censura. Quando excommunicatio, vel alia censura lata est sub conditione, non incurritur ante conditionis evenitum. Denique non semper incurritur censura ob quodlibet voluntarium, sed ob voluntarium requisitum ad eam incurriendam. Ibid. n. 12. & seq.

12. Non potest pro peccato commissio ferri censura, sed ad eam incurriendam requiritur contumacia: unde qui Missam die præteritæ non audivit, non potest excommunicari propter omissionem Missæ, si non erat impositum præceptum Missæ audienda sub excommunicatione: potest tamen pro pec-

peccato præterito imponi aliqua poena, ex.gr. privatio officii, dignitatis, vel accedendi ad Eucharistiam pro tanto tempore, &c. Ibid. n. 19. & 20.

13. Ut quis possit ligari aliquâ censurâ, requiritur ut sit homo viator, baptizatus, adultus, seu doli capax, ut sit homo determinatus (non enim tota aliqua universitas, vel collegium potest excommunicari,) & ut sit inferior & subditus sacerdoti censuram; defecâtu harum conditionum non ligantur censurahis: Mortuus, (qui commiserat in vita delictum, propter quod lata erat comminatoria censura) dæmon, cum non sit homo viator; animalia irrationalia, locus, amentes, infani, aut furiosi. Similiter non potest suspendi, aut excommunicari Summus Pontifex, quia nullum habet Superiorem: Episcopi, Archiepiscopi, & Cardinales ligantur censurâ generaliter latâ à Sum. Pontifice, nisi illorum fiat exceptio. Ibid. punct. 4. n. 1. & seq. usque ad 17.

14. Nemo potest propriâ potestate seipsum excommunicare, suspendere, vel interdicere: nullus enim est inferior seipso. Item ob eamdem rationem æqualis non potest ab alio excommunicari, cum par in parem non habeat imperium. Ibid. n. 17. & 18.

15. Exempti ab ordinarii potestate (quales sunt Rex & Imperator,) non ligantur illius censuris. Similiter religiosi exempti à jurisdictione Episcopi, non possunt ab ipso excommunicari, vel suspendi in iis casibus, in quibus exempti sunt. Ibid. num. 19. & 20.

16. Qui recipiuntur in proprios & peculiares Ecclesiæ Romanæ filios, ligari non possunt censuris ab ordinario loci. Ibid. num. 21.

17. Qui semel ligatus est unâ censurâ, est adhuc subiectum capax alterius, non tantum diversæ rationis, sed etiam ejusdem; nam tot sunt censuræ, quot sunt moraliter & formaliter actus contra præceptum, seu quot sunt transgressiones formaliter & moraliter. Unde qui clericum saepius successivè percutit, incurrit unam tantummodo excommunicationem; secùs si percutiat saepius cum interruptione morali. Idem dic si sunt plures clericî qui successivè percutiuntur. An autem percutiens vel occidens simul uno actu plures clericos, incurrit plures excommunicationes, juxta numerum clericorum qui percutiuntur, vel occiduntur, dissentiant Doctores,

quam-

quamvis probabilior in praxi videatur affirmativa sententia.  
*Ibid. punct. 5. n. 1. & seq. usque ad 8.*

18. Plures censuræ incurunt ab eo, qui facit unum actum habentem plures circumstantias, pro quibus singulis lata est censura. Unde percutiens Sacerdotem, qui simul est Diaconus & Subdiaconus, aut Monachus initiatus primâ tonsurâ, plures non incurrit censuras, quia hæ circumstantiae non mutant speciem in præsenti casu. *Ibid. n. 8. & 9.*

19. Faciens contra Clementinam primam de sepulturis, potest unicâ actione incurtere plures censuras, cum in ea prohibeantur quatuor formaliter diversa sub excommunicatione lata sententia. *Ibid. n. 10.*

20. Faciens aliquem actum prohibitum à pluribus sub censura, non incurrit tot censuras, quot sunt Superiores prohibentes illum actum sub censura, quando Superiores prohibentes habent eamdem potestatem; secùs quando habent diversam. Hinc sit ut deferens arma Saracenis, plures non contrahat censuras, quamvis à multis Pontificibus id prohibitum sit sub excommunicatione. Ille tamen ligaretur duplice excommunicatione, qui ficeret aliquid sub excommunicatione prohibitum à jure communi, & à jure particuliari, aut à Papa, & ab Episcopo intende[n]te novum jus ferre. *Ibid. num. 11. & seq.*

21. Censura lata contra facientes aliquid, non ligat mandantes, vel consulentes, nisi in sententia censuræ exprimantur mandantes, vel consulentes. Unde in dubio an mandans, vel consulens comprehendatur in censura lata contra facientes, judicandum est non comprehendi. *Ibid. punct. 6. n. 1.*

22. Mandans, vel consulens, qui aliquo modo exprimitur in sententia censuræ, non ligatur censura, nisi verè influat in effectum prohibitum sub censura. *Ibid. n. 2.*

23. Consulens ligatur excommunicatione, quando per suum consilium auxit voluntatem delinquentis; secùs dicendum, quando ipse dedit bonum consilium, ut quando parato occidere clericum, suasit tantummodo percutere. Similiter non incurrit censuram, nec tenetur ad restitutionem, qui revocavit mandatum quod dederat, ejusque revocationem nonnotuit mandatario; secùs dicendum de consulente, etiam si revocaverit consilium. *Ibid. n. 3. & seq.*